

Хазиний Хўқандий (тахаллуси; асл номи Зиёвуддинхон Каттахожжа ўгли Хазиний тўра) (1867 — Кўкон якинидаги Катта Кенагас кишлоғи — 1923) — шоир ва шайх. Кўкондаги Жомеъ мадрасасида тахсил олган. Куръон, тафсир, хадис, фикх, калом, адабиёт илмларини чуқур ўзлаштирган. Тасаввуф таълимоти билан изчил шугулланган. 30 ёшида муршидидан иршод (тарикат раҳнамолиғига рухсат) олиб, «Хазиний тўра» ва «Эшонбува» номлари билан халқ орасида эъзозланган, уз даврининг етук кодирия тарикати шайхи сифатида эътироф этилган ва «Муршиди Фаргона» номига мушарраф — валий зот бўлиб танилган. Дехкончилик билан кун кечирган. Боглар барпо қилган, бинолар қурдирган. Кабри ўз кишлоғида. Бу қабр — макбара ва унинг атрофидаги обидалар меъморий ёдгорлик сифатида давлат муҳофазасига олинган. 19-аср 2-ярми ва 20-аср бошларида кўчирилган кўплаб кўлёзма баёзлар ва мажмуалардан Хазиний шеърлари ўрин олган. 1910—15 йилларда Тошкентнинг Орифжонов, Портсев ва Лахтин матбааларида «Баёзи Хазиний» тўпламлари бир неча бор нашр этилган.

Хазиний мумтоз шеърий жанрларидан газал, мураббаъ, мухаммас ва мусаддаслар ёзган. Адабий мероси 4000 мисра атрофида. Шоир асарларини гоёвий мавзуи бой. Унинг тасаввуф руҳидаги асарларида соф сўфиёна маъно ва мазмун тараннум этилса, ахлокий мавзудаги битикларида поклик, одамийлик, саховатпешалик каби юксак инсоний фазилатлар улуғланган.

Хазинийнинг ўндан ортиқ газалларига мухаммас боғланган ва назиралар қилинган. «Баёзи Хазиний»нинг тошбосма нусхалари Ўзбекистон Фанлар Академияси Шарқшунослик институтида сақланади (инв. ? 12665, 14850, 15197). Фаргона шаҳрида уй-музейи ташкил қилинган, Хазиний номида жамоа хўжалиғи, бог, мактаб, кутубхоналар бор.

*Отабек Жўрабоев*

\* \* \*

Кўкон якинидаги Катта Кенагас кишлоғида тугилган. Отаси Каттахўжа эшон ориф, шеърга хавасманд зиёлилардан эди. Зиёвуддин илк таълимни отасидан олади. Сўнг Кўкондаги Жомеъ мадрасасида ўқийди. 1897 йил ўтгиз ёшларида замонасининг машхур мутасаввифларидан, кодирия сулуки намояндаси Мухаммад Ҳакимхон халифага мурид тушади ва илми тарикатни эгаллаб, эл орасида катта эътибор топади.

Айни пайтда устоз сўфийлар анъанасига содик қолиб, қўл кучи билан мутлақо меҳнати эвазига кун кечириш қоидасини маҳкам тутди. Унинг муттасил дехкончилик билан шугуллангани, ҳатто хозирги Бағдод тумани Чопдор кишлоғидаги қумлоқ чўлдан 40 танобча ерни ўзлаштириб, бог барпо этгани ва унга «Регистон» деб ном қўйгани маълум. Шунингдек, бу ерда ховуз қавлатиб, атрофига бир неча бино ва тегирмон қурдирган. Бу жой қумга тушиб даволанувчилар учун оромбахш масканга айлантирилган экан.

56 ёшда вафот этган. Кабри кишлоғида.

Хазиний ўз даврида жуда катта шухрат қозонган шоир. Мутахассисларнинг аниқлашларича, XX аср бошларидаги 19 тошбосма асарда унинг шеърларидан

намуналар учрайди. «Баёзи Хазиний» тўплами 1910—1913 йилларда 7 маротаба чоп этилган. Шеърлари машхур хонандалар томонидан кўшик килиб куйланган. Бирок шўро даврида унинг асарларига йўл берилмади. Ўгли Амакихон кўлида сакланган девони 1939 йили НКВД ходимлари томонидан олиб кетилган. Хозиргача топилгани йўк. Шоир ижодини ўрганиш мустакилликдан сўнг мумкин бўлди. 1992 йили Кўкон музейи ходими, филология фанлари номзоди Ахмаджон Мадаминовнинг гайрат ва ташаббуси билан «Тасаддук, ё расулуллох» деган ихчам тўплами нашр этилди. Нихоят, 1999 йили у тўлдирилиб, А.Мадаминов, О.Жўрабозевларнинг сўзбоши маколasi ва профессор Шариф Юсупов сўнгсўзи билан «Девон» номида чоп килинди. Шоир шеърларида, дархакикат, диний мавзу етакчи. Лекин бу шунчаки дин таргиби эмас. Юксак исломий гоаялар, биринчи навбатда, исломий эътикод ва ахлоқ билан яшаш таргибидир. Комил инсон таргибидир. Шу жихатдан, ундаги гоаялар бир кадар тасаввуфий мазмун касб этади. Муаллиф буни яширмайди. У «ишки мажозий» ва «ишки илохий» нисбатини яхши хис килади. Буларни бир-бирига карама-карши кўймайди. Бирини иккинчисининг давоми сифатида тушунади.

Аввалдинким мажозий ишкида умримни ўткардим,  
Каю ерда париваш бўлса, анга ошно боис,—

каби сатрлари ёхуд:

Неча доноларни нодон айлади ишки мажоз,  
Ёрнинг кўйида сарсон айлади ишки мажоз,-

матлаи билан бошланадиган «Мажоз» радифли газалида буни кўриш мумкин.

Айни пайтда, шоир шеърларида замон садоларини хам пайкамаслик мумкин эмас. У «насоро бизга подшоҳ»лик килиб, «хонакоҳда зикри хак монеъ», «шарорат ошкор» бўлганлигидан дод солади. Бошка бир шеърида эса, куйидаги сатрларни учратамиз:

Вой, хор ўлди шариат, динимиз бўлди гариб,  
Бу нечук турфа аломат, динимиз бўлди гариб,  
Ё якиндирму киёмат, динимиз бўлди гариб,  
Кўп ривож олди шарорат, динимиз бўлди гариб,  
Барчадин кетти адолат, динимиз бўлди гариб.

## ГАЗАЛЛАР

Жахони бевафодин охири бир кун кетар бордур,  
Бу дунё бир работ, хар ким кўнуб бир-бир ўтар бордур.

Ишонма богу рогинг, молу мулку тахту бахтингга,  
Куёшдин ибрат олгил, турмайин охир ботар бордур.

Агар минг йил умр кўрсанг, жахонга подшо бўлсанг,

Бўлуб хоки мазаллат, гўр аросида ётар бордур.

Ибодат айлагил тангрига доим, ухламай тунлар,  
Имонингни саломат элтгали неча хатар бордур.

Йигитлик даврини сургил, кашиб тоат килурсан деб,  
Савобингга худо мухтож эмас, деб ўргатар бордур.

Хазиний, бандалиқда, бас юурсан беҳабар, гофил,  
«Кироман котибайн»ким хайру шаррингни битар бордур.

\* \* \*

Гунаҳга тавба айлаб, эмди тоат килмасам бўлмас,  
Хатою маъсиятларга надомат килмасам бўлмас.

Абас ўтти йигитлик, сад дариго, беҳабарликда,  
Ганиматдур, тирикликда ибодат килмасам бўлмас.

На юз бирла борурмиз тухфасиз ҳақ қошига фардо,  
Хаётим бориҷа эмди, ибодат килмасам бўлмас.

Сулуқим — Кодирия, раҳбаримдур пири пироним,  
Саҳарлар зикри оллоҳуни одат килмасам бўлмас.

Юруб нафсим учун шул вақтқача, тоатни тарқ эттим,  
Каноат шаҳрига бориб, тижорат дилмасам бўлмас.

Фужуру фисқу исёним ҳалойиқлар аро шуҳрат,  
Мадина, Маккатуллони зиёрат килмасам бўлмас.

Эгосиз ит қаби умрум ўтубдур дарбадарликда,  
Хазиний ихтиёри эмди, хижрат килмасам бўлмас.

\* \* \*

Қаю жонлиқ жаҳонга келса, охир ўлмайин қолмас,  
Тирикликда ҳалойиқ бир-бири қадрини билмас.

Ажаб мотамсаро дунё эрур, поёни юқ, билсам  
Қи, сан дунёга мағрур ўлмагил, ҳаргиз вафо қилмас.

Аёгинг остига бокгил, ҳамма ер иҷра пинҳондур,  
Манам шундек бўлурман, деб сани парвойинга келмас.

Лаҳад иҷра ётурсан, ёзу қиш ўтгонини билмай,

Угул-киз, ёру дўстинг бир келиб сандин хабар олмас.

Сан ўлган сўнг хама фарзандларинг молингни олгайлар,  
Сани холинг нечук кечгай каро ерда, булар билмас.

Ўлум ёшу қари, шоху гадоларга баробардур,  
Билинг, жон олгучи элни назарга заррача илмас.

Бу беш кунлик умрга жою манзил хам керакмасдур,  
Ўлумни ўйлаган одам бу дунёга назар солмас.

Жаханнам оташини, гўр азобин ўйлаган одам  
Сиротул-мустикаминдин ўтмагунча йиглагай, кулмас.

Хазиний, охиратга хар киши имон билан борса,  
Ўшал ерда ани сан англагил, ўлган била ўлмас.

\* \* \*

Бу ўтар дунёга, дўстлар, богу бўстонинг галат,  
Барчани ташлаб кетарсан, кўшку айвонинг галат.

Хар киши дунёга келди, охири бир кун кетар,  
Тоат этмай доимо беҳуда юргонинг галат.

Ўйлагилким, кеттилар деб жумлаи хешу табор,  
Бир куни сан хам кетарсан, мунда тургонинг галат.

Англагил, шоху гадоларга баробардур ўлум,  
Кил сафар асбобини, беҳуда юргонинг галат.

Тўша олмасдин борур бўлсанг худони олдига,  
Тухфа келтурдингму, деб сўргонда армонинг галат.

Эй Хазиний, бу насихатга киши солса кулок,  
Муддаийлар санга айтур, харна айгонинг галат.

\* \* \*

Кўйди хам кўксум аро юз минг жафоларни фирок,  
Ажратиб биздин яна кўп ошноларни фирок.

Водариго, хасрато, кетти хама ахбоблар,  
Хам жудо этти яна хеш-акраболарни фирок.

Лоф уруб, олам — мани мулқум, деган шахлар кани?

Кўймагай охир, билинг, шоҳу гадоларни фирок.

Дардига топмай даво, кетти Фалотундек хаким,  
Олди ер кўйинга кўп акли расоларни фирок.

Ахмади Мухтор кеттилар жахондин, дўстлар,  
Юз йигирма тўрт минг хам авлиёларни фирок.

Шоҳ бўл, хоҳи гадо, дунё вафо килмас санго,  
Барчамизни кўймагай хам раҳнамоларни фирок.

Эй ёронлар, билсангиз, дунё эрур кўхна работ,  
Хотун, эркак кўймагай хам ёш балоларни фирок.

Хонакода ўлтуруб зикр айлаган шайхлар кани?  
Жонини олди, билинг, кўп авлиёларни фирок.

Нақди умрингни дилингга олгуча тоатда бўл,  
Эй Хазиний, айтасан зикру саноларни фирок.

\* \* \*

Халилдек оташи Намрудга кирсам, ўлса гулзорим,  
Химоят айлагай холик, ўзи бўлса харидорим.

Чикибон кўхи Турга, «раббано» деб ман садо килсам,  
Нидойи «лантаро»никим манго еткур Сатторим.

Бошимга арра кўйса, Зикриёни зикрини айтсам,  
Худога маъкул ўлгайму мани бу феълу атворим.

Ўшал Яхё каби чўллар аро оху наво килсам,  
Эгамни даргаҳига манзур ўлгайму мани зорим?

Вужудимга тушуб куртлар ўшал Айюби собирдек,  
Казосига ризо бўлсам, манго раҳм этса Гаффорим.

Кечибон тахту бахтимдин ўшал Иброхим Адхамдек,  
Чакиргайму гадоликка киёмат кун талабгорим?

Фироки Лайли бирлан йигласам монанди Мажнундек,  
Келиб холимни сўрганму ўшал кун жодуваш ёрим?

Илохо, Мустафони хурматидин кеч гунохимни,  
Хазиний осийман, авф эт, хатога кетса гуфторим.

\* \* \*

Сиз ани одам деманг, кўнглида химмат бўлмаса,  
Балки имони хатарлик, анда гайрат бўлмаса.

Кимки жохилдур, билинг, хамду санода хордур,  
Мў'мини содик эмас ул, танда журъат бўлмаса.

Кони бўлса катра найсон гар, садаф дурр бўлгуси,  
Бадниходе колгуси, анда каноат бўлмаса.

Хотами Той кофир эрди, куймади дўзахда, бил,  
Куйдурур эрди эгам, анда саховат бўлмаса?

Фоний дунёдин лахадга дастхоли бормагил,  
На килур холик сани, тухфанг ибодат бўлмаса?

Жон берар вактида шайтондин ўзинг кил эҳтиёт,  
Бандалик номинг галат, имон саломат бўлмаса?

Халк аро расво бўлубман деб, Хазиний, гам ема,  
Етмагай ҳеч ким саломатга, маломат бўлмаса?

\* \* \*

Эй банда, худо йўлида тоатни унутма,  
Рўзу шабу хар лахза, ибодатни унутма.

Жон борича излаб, туну кун хакни ризосин,  
Албатта, биродар, бу насихатни унутма.

Бу фоний жахон айшига магрур бўлубсан,  
Дийдори худо бирла у жаннатни унутма.

Минг йил яшасанг, охири бир кун ўладурсан,  
Охир бўласан, хоки мазаллатдга унутма.

Ҳеч кимга вафо килмади, дунёни билурсан,  
Санго келадургон у кун, навбатни унутма.

Эй одамийзод, аслингу наслинг сани туфрок,  
Ялгуз ётар бирла киёматни унутма.

Шукр айла, Хазиний, сани оламга келтурди,  
Инъоми худо, ризк ила неъматни унутма.

\* \* \*

Худони ёди бирла йиглагил шому сахарларда,  
Яконгни чок этиб, сан йиглагил шому сахарларда.

Фигон айлаб, гунохинг вахмидин кўркуб, надомат кил,  
Алам ўтига багринг доглагил шому сахарларда.

Аё толиб, ўзингни ташлагил хакни ризосига,  
Риёзат пўтасини боглагил шому сахарларда.

Аё, эй беҳабар одам, ўлумни ёд килмассан,  
Кетиб хешу таборинг, ўйлагил шому сахарларда.

Сирот ул-мустикаим отлиг йўлунгда бир хатар бордур,  
Ўтарни, эй биродар, кўзлагил шому сахарларда.

Жаханнамни азобидин ўзингни куткарай десанг,  
Тилингни маъсиятдин саклагил шому сахарларда.

Ики олам муродига етай деб орзу килсанг,  
Хазиний, роҳи Багдод кўзлагил шому сахарларда.

\* \* \*

Вафо килмас жахон бизгаки, ул одам ато ўтти,  
Кўринг, икки жахонни сарвари ул Мустафо ўтти.

Кеча-кундуз Расулulloхни олдидин жудо бўлмас  
Абу Бакру Умар, Усмон, Алийи Муртазо ўтти.

Ўлум чанголидин охир кутулмас жону жонварлар,  
Нечукким, ул Хасан бирлан Хусайни Карбало ўтти.

Жахондин анбиёю авлиё йиглаб кеча-кундуз,  
Ўтурмиз, деб ўлумни ваҳми бирлан мубтало ўтти,

Ўлумни дастидин, дўстлар, юрак-багрим кабоб ўлди,  
Нечукким, келди навбат бизга, ул ота-ано ўтти.

Кўринг, бу интизору хастадил айлаб Хазинийни,  
Юруб дер дарбадар доимки, умри бебахо ўтти.

\* \* \*

Сиза жон фидо, ё хаёт ан-набий,

Килай ман гадо, ё хаёт ан-набий.

Отингиз — Мухаммад, расули худо  
Ки, сиз Мустафо, ё хаёт ан-набий.

Ки, хайрул-башар, саййид ал-мурсалин,  
Рисолатпано, ё хаёт ан-набий.

Мани осийни еткурур равзага  
Качон ул худо, ё хаёт ан-набий?

Тавоф айласам хонайи Каъбани,  
Будур муддао, ё хаёт ан-набий.

Колай «Жаннатул-Бакия» хокида ман  
Ки, етса казо, ё хаёт ан-набий.

Хама умматингиз умид айлашур  
Ки, рӯзи жазо, ё хаёт ан-набий.

Хазиний дуоси бўлурму кабул,  
Бу гарки гуно, ё хаёт ан-набий?!

## **МУРАББАЪЛАР**

Мустафога дунё вафо килмади,  
Зикриёга дунё вафо килмади,  
Анбиёга дунё вафо килмади,  
Авлиёга дунё вафо килмади.

Абу Бакру Умар, Усмон, Алини,  
Зухра бирлан Хасан, Хусайн ал валини,  
Олди ажал барча мурсал-набини,  
Муртазога дунё вафо килмади.

Каён кетти ўттуз уч минг сахоба  
Ким, юттилар хасрат бирла хуноба,  
Дунё эрур бир работи хароба,  
Рахномага дунё вафо килмади.

Гавсул Аъзам авлиёлар рахбари,  
Ул Мухаммад умматини гамхори,-  
Масихога жон багишлар гуфтори,  
Муттакога дунё вафо килмади.

Тохирни кўр, Зухрога дил боглади,



Ишк ўтига юрак-багрин доглади,  
Тиг устида ўлмоқлигин чоглади,  
Ул шахлога дунё вафо килмади.

Ул Мавлавий Жомий билан Хамдамим,  
Мирзо Хусайн дер эрдилар махрамим,  
Бахром айтур, дилу жон-Гуландомим,  
Хазинийга дунё вафо килмади.

\* \* \*

Олам аро ёздинг ани шухратин  
Санга якин кимки тутса миллатин  
Сан суярсан бешак ани умматин,  
Рахматингдин бизни рахо килмагил.

Абу Бакру Умар, Усмон, Алини,  
Сокий эттинг кавсарингга Алини,  
Бизга рахбар килдинг шундог набини,  
Хурматидин бизга жазо килмагил.

Хасан-Хусайн, Хайруннисо хурмати,  
Бандам дегил, кулл анбиё хурмати,  
Авлиёйи ахли ризо хурмати,  
Хазинийга фардо жазо килмагил.

Бир ёр учун тонгла расво килмагил,  
Шармандаи рўзи жазо килмагил,  
Номасиях, вохасрато килмагил,  
Тонгла сафи кавми тарсо килмагил.

Мустафони бизга килдинг паямбар,  
Шафкатлари биз осийга баробар,  
Умнатларга пушту панохи махшар,  
Расулингни биздин жудо килмагил.

## **МУХАММАСЛАР**

Икки оламда эурсиз осийларга рахнамо,  
Рахматан-лил-оламин, деб кўз тутар рўзи жазо,  
Кабрингизда мавж уродур, рахмати нури худо,  
Хар киши килса зиёрат, дардига топгай даво,  
Равзайи покингга келдим, ё расули Мустафо.

Бир назар килгил манго.Одам сафийни хурмати,

Хам Халили босафо, Нухи набини хурмати,  
Хам Абу Бакру Умар, Усмон, Алини хурмати,  
Юз йигирма тўрт минг ўтган набини хурмати,  
Равзайи покингга келдим, ё расули Мустафо.

Танда-жисмимда имон, шоиста килгил тавбага,  
Ул умид бирлан бориб бошимни урсам равзага,  
Хазрати Одам дуоси бўлди макбул Каъбага,  
Ўлмасидин бул Хазинийким, борибдур Бақяга,  
Равзайи покингга келдим, ё расули Мустафо.

\* \* \*

Вой, хор ўлди шариат, динимиз бўлди гариб,  
Бу нечук турфа аломат, динимиз бўлди гариб,  
Е якиндурму киёмат? Динимиз бўлди гариб,  
Кўп ривож олди шарорат, динимиз бўлди гариб,  
Барчадин кетти адолат, динимиз бўлди гариб.

Тавба денглар, эй биродарлар, туруб шому сабо,  
Айлашиб зору тазарруълар, тиланг ҳақдин пано,  
Доимо тоат-ибодатда бўлуб, айланг дуо,  
Шояд этса раҳм раббим подшоҳ, бизлар гадо,  
Журм этиб, килмай надомат, динимиз бўлди гариб.

Хонакода зикри ҳақ монеъ, шарорат ошкор,  
Барча нокаслар ҳукуматда сайиддур, хожа хор,  
Кимда дунё бўлса, холо халқ ичра эътибор,  
Олиму шайхи замон хилватда йиглар зор-зор,  
Жории бўлмасдин шариат, динимиз бўлди гариб.

Яхшиларга сабр килмақдин бўлак йўқтур илож,  
Бу на мушкулдур, мусулмонлар берур мушрикка бож,  
Турмайин Фаргона ичра эмди, Байтуллога қоч,  
Журм этиб, килмай надомат, динимиз бўлди гариб,

Хар қаёнда бўлса, доноларни холо бағри қон,  
Бу фалак рафтори қаж дастидин айларлар фиғон,  
Кўл якода, тавба деб айланг .яна пиру жавон,  
Беҳабар турма, Хазиний, анқариб охир замон,  
Водариго, бу на хикмат, динимиз бўлди гариб.

\* \* \*

Ул шариат мазҳари рўйи губор ўлди, дариг,  
Кетти холо равнақи ислом, хор ўлди, дариг,

Козилар хукми, ажаб, беэтибор ўлди, дариг,  
Зикри хак монеъ, шарорат ошкор, ўлди, дариг,  
Яхшиларга тургали Фаргона тор ўлди, дариг.

Кимни имони кавий бўлса, ўшал хижрат килур,  
Ул Мадина шахрига борсам, дебон ният килур,  
Равзайи пайгамбаримни олдида хизмат килур,  
Зиндалиқда ўлмайин ул жойини жаннат килур,  
Баъзига бормас бахона равзага ўлди, дариг.

Марду зан, ёшу қарида колмади шарму хаё,  
Бу сабабдин бошимизга ёгилур турлук бало,  
Ким эрур сохибхукумат, шевадур анго гизо,  
Бебизоат хордур, иззатда холо агниё,  
Баъзилар дунё учун диндин гузор ўлди, дариг.

Динимиз бўлди гариб, бу халк холо беҳабар,  
«Кўп аломатлар бўлуб ўтгай»,— деди,— хайрул-башар  
Ким, хадиси Мустафо чун «Кулли явминдур батар»,  
Деб эди, «Умнатларим дунё учун динин сотар»,  
Пул учун мушрикларга мўмин карор ўлди, дариг.

Тавба денглар, эй биродарлар, туруб шому сахар,  
Кўл очиб килсанг дуо, бергай худо динга зафар,  
На аломат, на киёмат, неча йўл куйди камар,  
Турма бу ерда, Хазиний, равзага килгил сафар,  
Анкариб Дажжол хар узра сувор ўлди, дариг.

\* \* \*

Кимки хакка бандадур, фармонидин айрилмасун,  
Кеча-кундуз тоати субхонидин айрилмасун,  
Барча мўмин раҳмати раҳмонидин айрилмасун,  
Пайрави Аҳдам — шафоат конидин айрилмасун,  
Жон берарда гавхари имонидин айрилмасун.

Хак таоло деди дўстим тун-сахар бедорни,  
Ваъда килди онлара жаннат ила дийдорни,  
Хак суяр, килса саховат банда харна борин,  
Раҳматидин бенасиб этгай чу дилозории,  
Тонгла роҳат истаган эхсонидин айрилмасун.

Бу жахонга ким келибдур, бўлмасун бахти каро,  
Ушбу иллатга кишини килмасун хак мубтало,  
Бу касал харгиз тузолмас, доруси йўк, бедаво,  
Суд йўк, кўкдин тушиб Исо анго килса дуо,

Рахмати хак доимо инсонидин айрилмасун.

Одам ўглига ажал келгунча юргай беҳабар,  
Охиратни ўйламас, кўнглида йўк хавфу хатар,  
Моли дунёни йнгуштурган билан ташлаб кетар,  
То киёмат тонги откунча ҳамон гўрда ётар,  
Хасрато бирла ўтуб, хандонидин айрилмасун.

Ёру дўсту акраболардин жудо килган фирок,  
Хасрату андух илан каддим дуто килган фирок,  
Барчани хоки мазаллат ичра жо килган фирок,  
Бир-биридин ажратиб сохибазо килган фирок,  
Бу Хазиний, доимо суйгонидин айрилмасун.

\* \* \*

Назар сол осий умматга, тасаддук, ё Расулуллох,  
Хашиша кори гафлатга, тасаддук, ё Расулуллох,  
Мани бошланг хидоятга, тасаддук, ё Расулуллох,  
Ўшал махшарда жаннатга, тасаддук, ё Расулуллох,  
Солинг дарёи раҳматга, тасаддук, ё Расулуллох.

Йигилса аввалу охир ўшал сахройи махшарга,  
Халойик эргашурлар барчаси ходию раҳбарга,  
Тараххум кил ўшал соат бизнингдек осий, музтарга,  
Борурмиз барча ташна сув тилаб сокийи кавсарга,  
Берар ахли саодатга, тасаддук, ё Расулуллох.

Худо кози бўлуб, тонгла гунохимни ҳисоб этгай,  
«Хама бандам мани кошимга келсун!» деб хитоб этгай,  
Мухаммадга кимиким уммат эрмастур, азоб этгай,  
Ўшал кунни кишиким, ўйласа доим, савоб этгай,  
Етар уммат шарофатга, тасаддук, ё расулуллох.

Лаҳаддин бош кўтарганда хама воҳасрато дерлар,  
Киёмат шиддатидинким хама вовайлато, дерлар,  
Хама умматларинг йиглаб яна ё Мустафо, дерлар,  
Мухаммад саждага бошин кўйиб, воуммато, дерлар,  
Колур уммат хижолатга, тасаддук, ё Расулуллох.

Тарозуга солур аъмол элини ул киёматда,  
Гунохидин савоби кўп эса, албатта роҳатда,  
Бихишт ичра кирар, хуру кусур бирлан фарогатда,  
Хазиний осий уммат, саклагил хифзу химоятда,  
Килай жонимни ҳазратга тасаддук, ё Расулуллох.

\* \* \*

Фикр бирла айлагил шафкат ўлумдин илгари,  
Даргохига айлагил хизмат ўлумдин илгари,  
Журм этгонннга кил хасрат ўлумдин илгари,  
Рўзу шаб тангрига кил тоат ўлумднн илгари,  
Манзилингни айлагпл жаннат ўлумдин илгари.

Жон амонатдур жасад ичра, ганимат — зиндалик,  
Тангрига пургирия бўлгил, бўлмагил кўп хандалик,  
Рўзи махшарда шаковат халк аро шармандалик,  
Хак таолога килинглр зиндаликда бандалик,  
Елга дининг бермагил — гафлат, ўлумдин илгари.

Эй биродар, хар киши вакти сахар бедордур,  
Хак таоло, бил, ўшандог бандасига ёрдур,  
Тоатимиз дилга жаннат билан дийдордур,  
Хак таолони ризоси санга кўп даркордур,  
Хак сани бандам деса, давлат, ўлумдин илгари.

Бу ўлум хак барчамизга, ўйлагил, эй ошно,  
Бил, назар килгил, каён кети! тамоми анбиё,  
Бир нафас кўймас жахон ичра, агар етса казо.  
Хасрато бирла кетарсан, мулку ашё бевафо,  
Ол гўристонга бориб ибрат ўлумдин илгари.

Пирга кўл бер бориёзат, кетмайнн остонадин,  
Пир мисоли шамъи равшан, ибрат ол парвонадин,  
Ёди хак бирла бўлуб, сакла тилинг афсонадин,  
Кет, Хазиний, равзайи Ахмадга сан Фаргонадин,  
Дам ганимат, айлагил хижрат ўлумдин илгари.

\* \* \*

Кулли ашёни эгам кудрат билан бор айлади,  
Бандаларга бир неча сунъини изхор айлади,  
Баъзини гумрох этиб, баъзини хушёр айлади,  
Неча мурсаллар этиб, мушрикни инкор айлади,  
Кимки ким имони йўктур, дохили нор айлади.

Одам ўглин ер юзига нечасин султон этиб,  
Давру даврон сурдириб, кўнгуллрарин хандон этиб,  
Бу ўлумдин бехабар юрди алар, жавлон этиб,  
Тахту бахтини ажал бир кун ани вайрон этиб,  
Барчасин хоки мазаллатга гирифтор айлади.

Баъзисин килди ганий, бир нечани килди гариб,  
Дасти кўтохлик билан доим алар гамга кариб,  
Бул жахондин ўттилар жавру жафоларни кўриб,  
Мунда йиглаб ўтгучи рохат кўрар анда, бориб,  
Бул жахонда яхшиларни барисин хор айлади.

Ким гариб бўлса агар, кўнглида кўп андуху гам,  
Доимо элдин етар онларга хам жавру ситам  
Ким, жарохатдур юроги бариси, кўрса алам,  
Бу фалакдин бошига кулфат етодур дам-бадам,  
Котиби кудрат ани гурбат билан ёр айлади.

Аксари одамга фарзанд бермади харгиз худо,  
Баъзига бергонини кўймай яна олди казо,  
Она бирла отасин кон йиглатиб, килди жудо,  
Ушбу иллатга кишини килмасин ҳеч мубтало,  
Эй Хазиний, баъзини фарзанд учун зор айлади.

\* \* \*

То етим бўлмай киши, билмас атони кадрини,  
Жону дилда тарбият килгон анони кадрини,  
Билмагай ҳеч ким ако бирлан укони кадрини,  
Бир неча хешу табору акрабони кадрини,  
Ажрагай-билгай ако бирлан укони кадрини.

Тандурустлик лаззатин бемор бўлганлар билур,  
Кўп ётиб, фарзандларига хор бўлганлар билур,  
Боши ёстикда ётиб афгор бўлганлар билур,  
Парчаэ нон кадрини кўп зор бўлганлар билур,  
Кимки ман-манликда, билмайдур гизони кадрини.

Дўсту душман, хар киши, бегона, хохи ошно,  
Кочкуси бошинга мушкил тушса, сандин бевафо,  
Сан учун ул бевафо улфат килурму жон фидо,  
Дўст кадрии билмагай, бошига .тушмасдин бало,  
Карию аъмо бўлуб, билгай асони кадрини.

Кўлда молинг борида бегоналардин ёр кўп,  
Давлатинг кетса агар, дилдордин агёр кўп,  
Хам кадимий хамнишинлардин санго озор кўп,  
Сухбатингдин ихтироз айлаб яна безор кўп,  
Мардуми Фаргона билгай агниёни кадрини.

Бул жахонда баъзиларни айлади тирноққа зор,  
Баъзиларга холиким фарзанд берди бешумор,

Баъзини килди азиз, бир нечаларни килди хор,  
Харна килса холиким, шукр айлагил лайли нахор,  
Бил, Хазиний, сидк ила шукри худони кадрина.

## МУСАДДАСЛАР

Гамгузоре бул жахон, бир-бир кетарни ўйласун,  
Юрмасун ялгуз, киши рохи хатарни ўйласун,  
Вакти етганда амонатни тутарни ўйласун,  
Бул каро ер барчани бир-бир ютарни ўйласун,  
Хасрато, вовайлато бирлан кетарни ўйласун,  
Хар киши ер остида ялгуз ётарни ўйласун.

Моли дунёни йигуштурган билан бир кун колур,  
Жон амонатдур кишига, охири бир кун олур,  
Кўп халойик мол учун ўзини кулфатга солур,  
Хар киши дунёга келди, билсангиз, охир ўлур,  
Хасрато, вовайлато бирлан кетарни ўйласун,  
Хар киши ер остида ялгуз ётарни ўйласун.

Анбиёю авлиёлар ўлмаин колгони йўк,  
Куллу нафсин зоикатул-мавтни билгони йўк,  
Барча кетганлар бу дунёга таки келгони йўк,  
Кайси соат жон берорини киши-билгони йўк,  
Хасрато, вовайлато бирлан кетарни ўйласун,  
Хар киши ер остида ялгуз ётарни ўйласун.

Бандалик килгил тирикликда, ганиматдур нафас,  
Кеча-кундуз йигламокни, эй биродар, килма бас,  
Ушбу дунё ишлари, беҳудадур хою хавас,  
Жон мисоли андалибдур, бу жасад мисли кафас,  
Хасрато, вовайлато бирлан кетарни ўйласун,  
Хар киши ер остида ялгуз ётарни ўйласун.

Ушбу дунёдин гузар килди ўшал Одам ато,  
Шиш пайгамбар ила Нуҳи наби, вохасрато,  
Хам яна Иброхиму Исмоилу хам Зикриё,  
Мустафо кетти, Хазиний йиглади «во уммато»,  
Хасрато, вовайлато бирлан кетарни ўйласун,  
Хар киши ер остида ялгуз ётарни ўйласун.

\* \* \*

Кўнгулни, эй биродар, боглама дунёга, хижрат кил,  
Тириклик, бил ганимат, турмайин укбога хижрат кил,

Бино қўйма иморат мулк ила ашёга, хижрат кил,  
Кечиб, Фаргона мулкани бериб тарсога, хижрат кил,  
Олиб ахлу аёлинг, эмди Байтуллога хижрат кил,  
Мадина — равзайи поки расулуллога хижрат кил,

Туганди эмди дунё, эй биродарлар, бўлинг огох,  
Дари тавба ёпилмай, кетма-санг холингга вовайло,  
Хуружи колди эмди Махдию Дажжол ила Исо,  
Олиб ахлу аёлинг, эмди Байтуллога хижрат кил,  
Мадина — равзайи поки расулуллога хижрат кил.

Хама шугл айлади холо зино бирлан шароратга,  
Худога бандаман, дерлар бўюн сунмай ибодатга,  
Керак хижрат килиш пайгамбарим ётган вилоятга,  
Якин турмок учун етгай киёматда шафоатга,  
Олиб ахлу аёлинг, эмди Байтуллога хижрат кил,  
Мадина — равзайи поки расулуллога хижрат кил.

Сайду хожа, мулло, яхшиларга зарра хурмат йўк,  
Факирларнинг дилида заррача сабру каноат йўк  
Ки, устоз бирла шогирд хам муриддин пирга хизмат йўк,  
Нечук хикмат, Хазиний, хонаколар ичра сухбат йўк,  
Олиб ахлу аёлинг, эмди Байтуллога хижрат кил,  
Мадина—равзайи поки расулуллога хижрат кил.